




सानसेयारि बड'सा

सानसेयारि "बड'सा" खरीरालाइयाव
भ्रमजयारि जिउजो लोब्बा थावाय रायथाय, खन्थाय,
अल', अल'बाथा आरु दावबायारि थावनि, पार्क
बाइदिनि सायाव लिह्नाय लिह्निबां दैथाय हर्/
सानसेयारि "बड'सा" खरीरालाइया सेबखानाबै
फोस्वावगोन/
बड'सायाव लिह्नायनि हुढा खालाम,
"बड'सा" खरी नोथां, जो बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 3 March, 2025 Kokrajhar, BTC, Assam ★ Vol.- 33, Issue No.332 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-



बोसोराव बांसिनै 8.2% सुट होनाय जागोन

नोंथांनि हिन्जावसानि सिमांखौ मोगथांआव महर हो पस्ट अफिस सुकन्या समृद्धि एकाउन्ट

नोंथांनि हिन्जावसानि इयुननि थाखाय जोबथा दोनथुमनाय बिथांखि

आसाम परटेल सार्केल
f @comgassam



राइज्यो बेंगिरिया प्रजापिता ब्रह्मकुमारिफोरनि मेडिटेसन हल 'पिरामिड'खौ बेखेवदों

गुवाहाटी, 2 मार्च : ओन्सोलाव धोरोमारि गाहामखौ जौगाहोनायाव मोनसे मख 'जाथाव आगान, आसामनि राइज्यो बेंगिरि लक्ष्मण प्रसाद आचार्यआ दिने साहा गुवाहाटीनि फुलुआव प्रजापिता ब्रह्मकुमारीफोरनि 'पिरामिड' मुनि मोनसे ध्यान खालामग्रा मेडिटेसन हलखौ बेखेवनाने होयो। प्रजापिता ब्रह्म कुमारिस इस्वरिया मुलुगसोलोसालिजों खुंजानाय धोरोमारि हाबाफारियाव बाहागो लानाने



राज्यो बेंगिरि आचार्यआ ब्रह्म कुमारीफोरखौ मोनसे फसंथान महैर बाखायो, जाय बोसोनारि बेसेनफोरखौ जौगाहोनी, समाज सिबिनायखौ बां'होनी, बिगियानारि सोलो'थायखौ जौगाहोनी आरो समाजनि जौगानायनि थाखाय सांग्रांथि लाबोनी थाखाय आध्यात्मिक सांग्रांथिनि बारगा थाडे। बिथाड ब्रह्म कुमारीफोरनि सोद्रोमाफोरजों दिन्थिफुंजानाय निस्वार्थ सिबिनाय, (□ 6 बिलाइआव)

मिरु बर' थुनलाइ आफादनि 65थि बोसोरसालिया जथुम्माया बिजनीआव खुंजागोन

थुनलाइ आफादनि जथुम्माखौ जाफुंसार खालामनो बान्जाय आफाद दाबाय

बिजनी, 2 मार्च: मिरु बर' थुनलाइ आफादनि 65थि बोसोरसालिया जथुम्माया चिरां जिल्लानि बिजनी बर'लावगाव थेंफाखि फोथाराव खुंजागोन। 2026 माइथायनि जानुवारि दानाव खुंजानो गोनं मिरु बर' थुनलाइ आफादनि 65थि बोसोरसालिया जथुम्माखौ जाफुंसार खुंफुंनो थाखाय (□ 6 बिलाइआव)



खोला कामरुप जिल्ला एबसुनि खुंगा 16थि नै बोसोरसालिया जथुम्माखौ खुंफुंबाय

गावनि बिमानि राव , थुनलाइ, हरिमुखौ फोथानानै लाखिनो हायाब्बा बर' हरिआ गोमा लांगोन: बड'सा ब्रह्म



सिमेन सापरि, 2 मार्च: खोला कामरुप जिल्ला दुलाराय बर' फरायसा आफादनि खुंगा 16थि नै बोसोरसालिया जथुम्माखौ दिने सानसेनि हाबाफारिनि गेजेरजों बक'आव थानाय जिल्ला एबसुनि गाहाइ मावखुलिआव खुंफुंनाय जायो। बे जथुम्माजोंनो लोब्बा (□ 6 बिलाइआव)

सुबनखातायाव बाक्सा जिल्ला एबसुआ बड'लेण्ड सोमावसारनाय सान फालिदों

मुसलपुर, 2 मार्च: दिने 2 मार्च, थामहिनबा बड'लेण्ड सोमावसारनाय सान। बे सानखौ मिरु एबसुनि बिथोन बायदियै आसाम आरो बि टि आर ओन्सोलनि दाब-दाब जिल्लाफोरजों लोगोसे दख'रा आफादफोराव फालिनाय बायदिनी बाक्सा जिल्ला एबसुआबो सुबनखाता दख'रानि मददजों सुबनखाता दख'रा आफाद मावख'नि लांगोनायाव सानसेनि बायदि



मेहेर गोनं हाबाफारिनि गेजेरजों फालिनायखौ नुनो मोनो। बे फालिथायनि गिबि हाबाफारि

बाक्सा तामुलपुर आरो उदालगुरि जिल्ला गावबुराफोरनि मावफुं मेल, गावबुराफोरनि साखिखौ अरायथा खालामनो दाबि



तामुलपुर, 2 मार्च: थानाय 2016 माइथायनिफ्रायनो बिटिसि ओन्सोलआव आइ.सि गावबुरा महैर खामानि मावबाय थानाय सा 200 सो गावबुराफोरा गोजोननाय गैयै थासारिखौ फोरमायदों। दिने बाक्सा, तामुलपुर आरो उदालगुरि जिल्लानि गामि दैदेनगिरि सा 200 गावबुराफोरा तामुलपुर (□ 6 बिलाइआव)

बाक्सा जिल्ला आबोबनि खुंगा 10 थि नै बोसोरारि जथुम्माखौ दिने सानसेनि मेहेर गोनं हाबाफारिनि गेजेरजों गाजा-गोमजायै खुंफुंदों

सालबारि, 2 मार्च: बाक्सा जिल्ला दुलाराय बर' आइजो अन्साइ आफादनि खुंगा 10 थि नै बोसोरारि जुथुम्मा खुंफुंनाय हाबाफारियाव माखासे हाबाफारिफोर लानानै मावफुंनाय जायो। हाबाफारि बायदियै आफादनि फिरफिला बिरहोजेनाय हाबाफारिखौ मावफुंना होयो मन'मती नाजोंरो बिथाडा। मुंख्खं फोरनिमिम बिबार बाउनायजेन्नाय



हाबाफारिखौ मावफुंना होयो दुलाराय बर' आइजो अन्साइ ललिता दैमारि लेडाइ आफाद, थाद्वै मेलनि लांगोना आफादगिरि बाक्सा जिल्ला (□ 6 बिलाइआव)

धेमाजि जिल्ला आरो सिमेन दख'रा एबसुआबो बड'लेण्ड सोमावसारनाय सान फालिदों



सिमेन सापरि, 2 मार्च: दिने "2 मार्च बड'लेण्ड सोमावसारनाय सान"। बे गोथार सानआव सिमेन दख'रा दुलाराय बर' फरायसा आफादआ बड'फा उपेन्द्रनाथ ब्रह्मजों लोगोसे बड'लेण्ड सोमावसारनायाव गावनि बेसेन गोसा जिउखौ बाउलांनाय गेदेमा मुंख्खं बिथांमोननि सेराव सिबिनाय खुलुमनायखौ बाउहरनायजों लोगोसे बर' हरि अनफावरि गासै गेदेमा राइजो-राजाफोरनिसाम गाहाम हामब्लाइथि जासिहरदों। दिने 2 मार्च बड'लेण्ड सोमावसारनाय सानजों लोबबा लाखिनाने दिने धेमाजि जिल्ला आरो सिमेन दख'रा दुलाराय बर' फरायसा आफादनि गाहाइ मावखुलियाव आफादनि (□ 6 बिलाइआव)

समाज सिबियारि मिनन मोसाहारिनि मोनसे बाखनायथाव हाबा भैरबकुण्डआव गोदानै लुफुंगोन 22,30,000 रानि गाहाइ हाबग्रा दरखं



उदालगुरि, 2 मार्च: दिने उदालगुरि जिल्लानि सिडाव थानाय भारत, भुटान, लोगोसे अरुणाचल राइज्यो जों नांजाबनाय थामहिनबा बयजोंबो मिबथि जानाय लावखार ओंखाम जाग्रा थावनि भैरबकुण्डनि साखाथिआव थानाय उदालगुरि जिल्ला दुलाराय बाथो गौथुमनि (□ 6 बिलाइआव)



स्टाफ रिपटर्, 2 मार्च: चिरां जिल्लानि सिडाव थानाय जिल्ला थानानि काशिकत्रा (भावलागुरि) गामियाव दिने सानजौफु समाव सासे आइजो हाग्रा सावनायजों गामि दरसेनाडै अर खामगलुंनयनि लामा लाबायमोन। गामिनि माखासे सुबुंफोर आरो Fir (□ 6 बिलाइआव)

गामि दरसे अर खामगलुंनयनिफ्राय खुनुरुखुमै रैखा मोन्दों

सुजुगिरिनि खोलोम

मावनानै जानायाव लाजिनांगौ गैया,
श्रगायनानै खावनानै जानायासो लाजिनांथाव

थानानै थानायनि दावहायाव गोबाङनो गोबां राहा आरो लामाजों खारनांगौ जायो । खायफाया गोथोङै, खायफाया, दिंघ्राय-दिंसि लामाजों । सोरनियाबा दलर, दलरै, सोरनियाब्ला देहानि थैखौ दै खालामनानै, खायफाया खुगाजों, खायफानिया आर्थि-आखाय सोमानानै । नाथाय, थांखिया मोनसेयानो-बोथिसे ओंखाम, जि-जोम आरो थानायनि थाखाय न'-बां । मुलुक संसारनि सोरगिदिं मेगन फिदिङोब्लानो नुनो मोनो- थानानै थानायनि बे दावहाथिलियाव- सोरबाया मालायनि आफाखि-दाखोर दाला सिबनानै, खालाइ-दैफोन गारनाय, खि-हासुदै बथानाय, सोरबाया सान्दु-अखाखौ नेवसिनानै थैखौ गोलोम दै गसर होनानै मावनानै जायो, न 'खर सामलायो । बेफोरजों लोगोसे दंवावयो- बबेबा हाथाय-बाजारनि लामा दथखायाव सान्दु थिखा-थिखि दुयबु दामै दामै मोखा मोसाहोनाय, नेवलाइ-मुफुर-जिबौ मोसाहोनाय, आखाइ नायनानै इयुन बराद फोरमायनाय, जुनातनि बेगें-हारा दिन्थिनानै रोदा-रुदुनि मुलि फान्नाय, गोबाय-गिजि दो-दोखोल, प्लाष्टिक, लहा नागिरनाय, फान्नाय आरो बेफोर खामानिखौ मावनायनि थागिदायानो उदै सुफुनायनि आदार नागिरनाय आरो नख'र संसार सामलायनाय ।

मोनसे बाश्राया रोखादि- बे बिलात लाथानि सोलो गोरसिन आरो सोलायमुलिसिन जिबि मानसि हारिनि जिउ खानायनि आदोब-आखुयाबो गोमोथावसिन । जायनि थाखाय गोगो गोबौ मेलेमनि सासे गथ'सायाबो बाइदिसिना आंखाल, अलखदयाव गोरलैनानै सोरां-गोगो लामाजों हान्थिनो आन्दायनांदों । बेखौबो बुनो बावगारा मानसि हारिया-बरादनि बोबर्थि जानाय होन्नानै । नाथाय सुबुनि लामा आन्दायनानाय, आंखाल आरिफोरखौ थोंजोङै बरादनि बोबर्थि जानाय होन्नानै थास्तिबनयाबो गोरोरन्थि होन्नानै नुजादों । साफ्रोमबो मानसियानो थानानै थानो थाखायल' थानानै थाया । बयनिबो गोसो गोबोंयाव मोनफा नङ मोनफा हाबिलास थायो । जाय हाबिलासआ सासेनिजों गुबुन सासेनिया गोरोबलायया । अक्लाबो नाजालानाया थाखायो गोरोबलायै आखल आखुनि गेजेरावबो जिउआव माबा मोनसे मेगनाव गोनां हाबा, थानानै थानायनि राहा-लामा दिहुनलानायनि रेप्लिका । थानानै थानायनि लामा आन्दायनानै थानानाय, राहा मोनै देहानि थैखौ गोलोमदै गसर होनानैबो गुबुननि गोगो गोथों लामाखौ नायनानै थानानाय, गाबनानाय सरासन्त्रा सुबुनि जिउ खुनाय आदोब-आखुखौ साप्राङै नोजोर होयोब्ला नुनो मोनो- मानसिन मोदोम-देहा गेहेन सोमावनायनि थागिदायानो जादों- उदै आरो थानानै थानायनि । उदैनि थाखाय मानसि मावै जेबो गैया । बे मावनायनि थाखायनो सोरबाया गिदित, सोरबाया उन्दै, सोरबाया अन्थाय बिखा, सोरबाया गोसो गुवार जानांदों । नाथाय आर्थि--आखाय, मोदोमै मोखाङै बयबो मानसियानो समान । मावनाय-दानाय, रौनाय- रोङै, हानाय- हायैआसो समान नङ । बेखायनो खायफाया गावनि गोहोजों हानायमानिखौ मावनानै सुफुनो राहा लायो । नाथाय माहारिनि आसारखान्थि, फोथायनाय, मानिनायनि बादगा जायोब्लासो हेंथा नुजाफैयो । बेखायनो मावगाय-दानायाव लाजिनांगौनि बाश्रा फैया । उन्दै-गिदित, हामनाय-हामैखौल' नोजोर होनांगौ बेव गोरोरन्थि नुजाया, गोजोन्नायबो दं, नाथाय श्रगायनानै जानो थानायासो इयुन जिउआव दुखु लाबोयो ।

दिनैनि फान्जामुथि

राशि बाइदियै मुंनि गिबि हांखो

मेघ : अल
कर्कट : ड ह
तुला : त र
मकर : ख ज

बृष : ऊ ब (उ ए इ)
वृश्चिक : ब न
कुम्भ : ग श (स)

मिथुन : क ङ (ङ घ)
कन्या : प ट (ण ष)
धनु : ध भ (ढ फ)
मीन : द च (ख ञ झ)

मेघ:

देहा-सावस्त्रिआ मोजाङै थानाय नङ । देहाखौ सांग्राङै लाखि ।

बृष:

सुथुर जालायनाया जोबनाय नङ । जेंनायाव गोरलैनो हागौ । सांग्राङै थानाया गाहाम ।

मिथुन:

मानिबा थाखाय जिंगा सिनानो हागौ । गोजोन्नायखौ मोन्नाय नङ ।

कर्कट:

जेखि बादाय़ा देरहासार जानो हागौ । बादायारिफोरनि थाखाय मोजां सान । गोजोन मोनगोन ।

सिंह:

गावनि महर-मुस्त्रि समाइनाखौ लानानै गोग्गानो हागोन । फारफ्रोमर्थिबो मोजां ।

कन्या:

सोरनिबा खोथायाव दुखु मोन्नाय जानो हागौ । गोसोखौ हमथा ।

तुला:

बहाबाफोर दावबायहैनो मोन्नो हागौ । गोसोखौ गोजोन मोनगोन ।

वृश्चिक:

जेखि मावा हेंथा मोन्नो हागौ । सान्नाया जाफुनाय नङ । गोसोखौ हमथा ।

धनु:

बेफार फालांगि मावनायनि थाखाय जगा-जग खालामनानो हागौ । सान्नाया जाफुनो हागौ ।

मकर:

मानिबा सान्नाय थांखिफोर दड्ढा फेलें थानो हागौ । गोसोखौ शान्ति मोन्नाय नङ ।

कुम्भ:

जैरैबो जोंगा-मागा साजायनानै लानो हागोन । गोजोनै सम बारहोनो हागोन ।

मीन:

नख'रआव मानिबा थाखाय दावराव-दावसिफोर जानो हागौ । गोसोखौ शान्ति गैयै मोनगोन ।

गाहाइ मन्थि नरेन्द्र मदिजौं बारब्नाय जानाय
आसामनि स्टार्टआप कम्पानीआ मा ?

गुवाहाटी, 2 मार्च: आसामाव थानाय गंसे स्टार्टआप कम्पानी कु म्भि कागजआ वाटार हाइसिनात एबा खोस्लि फानाजों लेखा बानायो आरो बेखौ गाहाइ मन्थि नरेन्द्र मदिआ बाख्नायदों । आसामनि सानै लाइमोन रुपांकर भत्ताचार्य आरो अनिकेत धरआ वेटलेन्ड आरो इकसिस्टेमखौ संरैखाथि खालामनायनि थांखिजों खोस्लि फानानिफ्राय लेखा बानायनाय खामानिखौ

जागायदों । कुम्भि कागजनि लेङाइ गायनगिरि रुपांकर

भत्ताचार्यआ बुंदोंदि, गावसोर सानैजों बे कम्पानीखौ गायसन्दों

इउनिभार्सिटि चेन्सेलरनि पार्सनेल गार्डआ
पुलिसखौ सिग्रोमनाय भिडिअ भाइरेल जादों

गोदान दिल्ली, 2 मार्च : खैसार सानाय आरो आन्जादआव बेले-बेसे खालामनायनि दायनिगिरि सासे इउनिभार्सिटिनि चेन्सेलरनि पार्सनेल सिक्किउरिटिआ पुलिसफोरखौ सिग्रोमनायनि मोनसे भिडिअया अनलाइनआव दोहौ सोमजिहोदों । भइस अफ आसाम मुंनि मोनसे एक्स हेन्डेलआ भिडिअखौ शोयार खालामनानै बुंदों, बेयो गोरोबज्लायैनि मोनसे नुथाइ, जायखौ बांलादेश, पाकिस्तान एबा सावथुनफोरव नुनो मोन्नाय जायो, नाथाय भारतआव नुया । फारसेथिं गिबि मन्थि हिमन्त बिश्व शर्माआ बेखौ रोखा मोन्नाय बुङेदि, आइनआव बेनि गनायथि दं । भइस अफ आसामनि पस्ट्खौ शोयार खालामनानै बिथाङा बे

आइनखौ इसार खालामदोंदि, जेराव गंसे न' बिगोमानो न'आव सिग्रोमनायनि सिगां पुलिसखौ सिग्रोमनायनि गनायथि होनाय जायो । गिबि मन्थि शर्मा हकआ नंखाय डिग्रि आरो रांखान्थियायि गेना-खान्थिजों लोगोसे गोबां गेना-खान्थि खामानिफोराव बियो दंफायोमोन । लोगोसेनो इउनिभार्सिटिआ आन्जाद खुङाजासेनो पिएचडि आरो गुबुन डिग्रिफोरखौ फान्दों होन्नाबो दाय जाबसिन्नाय जादोंमोन ।

न'निफ्राय हमदोंमोन । सुलुंनि बायदिब्ला, हक आ आन्जादआव बाहायनो मोनै दाजेम एबा मुवाफोरखौ स्ोदयै लानो एबा बाहायनायाव मदत खालामनो थाखाय फरायसाफोरनिफ्राय रां लादोंमोन । बेनि अजद होनाय जादोंमोन आरो बेनि उनाव नायबजिरनायखौ जागायनाय जायो । सानैसोनि उनाव हकखौ हमनाय जादोंमोन । गिबि मन्थि शर्मा हकआ नंखाय डिग्रि आरो रांखान्थियायि गेना-खान्थिजों लोगोसे गोबां गेना-खान्थि खामानिफोराव बियो दंफायोमोन । लोगोसेनो इउनिभार्सिटिआ आन्जाद खुङाजासेनो पिएचडि आरो गुबुन डिग्रिफोरखौ फान्दों होन्नाबो दाय जाबसिन्नाय जादोंमोन ।

दिल्लीआव 15 बोसोर एबा बेनिफ्राय गोजामसिन
गारिफोरा पेट्रल पाम्पआव थाव मोन्नाय नंला

गोदान दिल्ली, 2 मार्च : दिल्लीनि बिजेपि सरकारआ राजथावनि दिल्लीआव गेब्रेनायनि बिबांखौ खम खालामनायनि थाखाय मोनसे गिदिर थांखि आजावदों दिल्ली सरकारा फैगौ 1 एप्रिलनिफ्राय 15 बोसोर गोजाम एबा बेनिफ्राय गोजामसिन जानाय गारिफोरनो

राजथावनियाव पेट्रल एबा डिजेल मोन्नाय नंला । दिल्लीनि आबहावा मन्थि मनजिन्दर सिंह सिरसाया शनिबाराव बुंदोंदि, बे थांखिखौ थाबैनो मिरु पेट्रुलियाम मावख'नो थाबैनो मिबथिहोनाय जागोन । बिथांमोनहा पेट्रल पाम्पफोराव गेजेर लागायनो नागिरदों, जाहाथे 15 बोसोरि

मख'जाथावदि, दिल्लीयाव बिब्दि रां 500 पेट्रल गारिफोरखौ सिनायथिनाय जादों । नाथाय बेबायदि गारिफोरखौ होबथानायजों दिल्लीयाव गेब्रेनायनि जेंनाया सुसांजागोन ना ? होन्नाबो बुंनाय जादों । दिल्लीयाव पेट्रल आरो डिजेलजों खारप्रा गारिफोरनि अन्जिमाया 55 लाख दं । बेनि 66 जौखोन्दोआ साखा खबनै आरो 54 जौखोन्दो आ साखा खबनै गारि । राजथावनियाव गेब्रेनायाव गारि-मटर आरो उदयगारि इउनिटस । लान्थियै सोलिनाय कन्स्ट्राक्सननि खामानि, 24 घन्टा अर जौनाय दाखोर-दालानि दामोल, एयार कन्डिसनार आरो थार्मल प्लान्सनि बिहोमाया बांसिन ।

आबहावा गेब्रेनायनि फारिलाइयाव ढाकाआ गिबि जायगा आवग्रिदों

ढाका, 2 मार्च: बांलादेशनि गोबां सुबुं अनजिमा थानाय राजथावनि ढाकाया फिन खनसेबाव मुलुगनां थाखोयाव जौसिन मासि आवग्रिनो हादों । नाथाय बे खौराङ गोजोन्थाव नङ, मानोना जोबोर गात्रि आबहावानि फारिलाइयावसो जौसिन मासि आवग्रिनो हादों । शनिबार फुंनि समाव बे सहराव 304 एकिउआइ थिसन्नो मोन्दों, जाय जोबोर गात्रि आबहावानि थाखोआव गोम्लैयो । बेनि थागिबिफोरा आबहावा गेब्रेनायनि गोब्राब सेलेन्जजों मोगा-मोगि जानांन दङ । लोगोसेनो आबहावानि बे थाखोआ सुबुंफोरनि सावस्त्रिनि थाखायबो गोब्राब खैफोद गोनां । मख'जाथावदि, 301

एकिउआइनि गोजौनि गेब्रेनायखौनो गिखं थाव थाखोआव लानाय जायो । ढाकानि उनाव गुबुन दरसे गिखं थाव रोखोमै गेब्रेनाय सहरानो जादों, चीननि राजथावनि बेइजिं, जायनि गेब्रेनाय बिबाङा 238

मोनसे मुलुगनां सावस्त्रियारि खैफोद, जाय हमदंनयाय 7 लाख सुबुंफोर थैनायनि दायनिगिरि । बिसोरो गाहाइयै स्ट्रक, बिखानि बेराम, समफलनि केन्सार आरो गोख्रै गोसारप्रा इन्धेक्सन बायदिनि जाहोनाव जिउ गोमादों ।

सोरखौ सोर मालाय सान्दों सिमांनि आन्दोभाव

नै आगोमा बर’ जोहोलावफोर
बर’ बिमानि गोर्बोनिफ्राय जोनोम लाबाय नोंसोर
माखौ सान्दों माखौ मावदों
सोरखौ सोर मालाय सान्दों ?
फेदेरनो गेग्रेब ग्रेब बिमानि देराखौ
बेसेन होनो सुबुं जिउमाखौ
नाथाय नछ बिनि अनगायै-
गावजों गाव जोबझांनायनि दावहा सोरजिबाय ।
सोर दङ जोहोलाव नोंहा नखराव ?
गैया रावबो गैया नखरानो फिसाखा ।
फिसा नखरखौ गिदिर फेदेरनो
हारिनि महर मुझिखौ फोजोंखांनो ।
बर’ हारिनि आलादा राज्यो दानो, सिमां नुनाय-
जाबाय दिनै जोहोलावफोर
बिदा फंबाय बुलाय-सोलाय, दानलाय सुलाय,
आरो नुबावबाय सोंनाय गैया फिन्नाय गैया
गोसोम उखुन्दैन गेजेरजों
A.K. 47 नि बिषनि गुलिजों
अन्थाय बिखानि बबा रायज्जायनाय ।
ल’हाया जिउ,राव, गियान, धोरोम गैया
नाथाय मानसि हादि-
जिउ दं, गियान धोरोम दं मानोथो-
रायज्जायनो रोंदिया, सान्नो रेंदिया, बुजिनो हादिया-
अ’ मानसिया मानसि नंला ।
नों आंखौ गावथारदों खहाया नोंनिनो जादों
आं नोंखौ गावथारदों खहाया आंनिनो जादों
नाथाय नॉनि आरो आंनिल’ खहा नछ
बिजिरलु आखुनि गोहोआ दिन्थियो
बेवहाय दुलाराय बर’ हारिनि ।
मोजाछ मोजां सान्दों गात्रिया गात्रि बुजिदों-
बिदा-फंबाय गबायलाया जादों
नाथाय बेवहाय लाजिनाय गैया ।
बुजिनाय गैया बिजिरनाय गैया
धोरोम गैया अनलायनाय गैया
बेनो नामा जोहोलाव-
हारि सिबिनाय राज्यो दाबिनाय
माहारि फेदेरनाय, मास्टर रेस दानो सान्नाय:
बिमानि मोदै हुगारनाय ?
आं जिंगा सियो गाबो फिसाफोर
आंहा गोर्बों दं बिखा दं
फिसाखौ खांनायनि बासायनायनि
हारिखौ मोजां मोन्नायनि सिबिनायनि
आं दुखु जायो फिसाफोर नोंसोरबो दुखु जादो
आं मोदै गयो फिसाफोर नोंसोरबो मोदै गदो ।
बिदा फंबायजों खौसे जाफिन्दो,
बर’ हारिनि इयुननि गोजोन नखरखौ
गोदानै दाफिन्नो
सानलायदो बुजिलायदो गोरोबलायदो
दुलाराय बर’ हारियानो खौसे जाफिन्दो ।

प्रदीप कुमार बसुमतारी
कक्राझार ।

नेवसि जानाय गोसो

बे मोजां मोननाय नि गेजेराव
नछमोन आं दायनि गिरि ।
लानांबाय दायखौ रुजुनानै लिरो
नागार लांबायनो आंखौ !
अब्लाबो नोंखौ गोसो खांनानै लिरो
आं हरखि सान लाभ लेथार
नोंखौ गोसो खांनानै सुजुयो
आं खन्थाय रायथाय ।
फोरमाय हरनो सानोमोन
नाथाय गैया रावनिबो हेफाजाब,
साया माया गेले फैबाय थायो
नों आंनि बिखायाव ।
लाबाय आं नॉनि मुंखौ
बिखायाव सोनानै ।
अराय जिउनि थाखाय
गोसो खांबाय थायो आं नॉनि महरखौ
नाथाय नुवा आं मोकथांआव
नोंनि महरखौ लाय ।

मुश्री जोँसार नारजारी
फरायसालि-मागुर मारि गोजौ फरायसालि
गामि-खान्थाल गुरी

गोर्बों गोसोनि अनजालि रजे
नों थरैनो बेसे गोजानाव ?
रुगुं गैयै अखांमा बारनानै.....!
ना रुगुं गैयै लैथो बिखा बारनानै ।
नाथाय नों अनजालिया
जेसेबांखि गोजानाव थाया मानो !
नों आंनि.....
बै खोमसि निजोम हरनि सिमाडव
साया-माया, नुहां-नुवाहां,
उफ्ले-उफ्ले, दांनाय-बिलिरनाय,
आन्नाय-खुदुमनाय फाव लाना
गेले फैयो नों अनजालि रजे
गोर्बों गोसो सिमाडव ।
दाउब सि-सिरिया फिसाखौ क ’ क ’,
बजबना लानाय बादि !
जेब्ला नों आंखौ....
गावनि गुवार बिखायाव
मोजोमसे बजबना लायो,
अब्ला आंनि गोर्बों गोसोया
आवा-फावा जाना
अन्नायनि लैथोयाव गोजावो ।
नाथाय नों अनजालिया
सिमांनि आन्दोयाव गेले फैना
मोकथांनि बै जरासे गान्दुखौसो
सेब-सेब सिग्लाब होना,
बबेथिं आन्त्राय लांफिनो ?
नों अनजालि....
सिमांनि आन्दोआवनो ।

मुझि दानसोरां बसुमतारी
गामि- सेसापानी
थाखो- B.A 3year
ला:सो- मागुरमारी
जिल्ला- क 'क़राझार (आसाम)

नों अनजालिखौ

नों अनजालिखौ गोसो
खांनानै लिरदोंमोन आं
गांसे लाइजाम--- ।
नाथाय मा खालामनो अनजालि
गोसो गोर्बोनि लाइजामखौ
आं बहा दोननो बहा मानो जायो
नोंखौ नुवानो अनजालि गोसो
गोर्बोनि खोथा बुंनो सानो
बुंनो हाया मानोबा खुगा
सिंनिफ्राय रावआनो फैया अनजालि ।
नाथाय गोसो खांनानै लिरोमोन आं
खन्थाय एबा सल’ नाथाय हबा
मोननो अनजालि
आरो माबोरै फोरमायनो हानो
आं अनजालि नोंखौ मोजां मोनो आं
गोरबो बिखाजों बुंदोंल’ नों आंखौ
मोजां मोनोना मोना ।
नों अनजालिखौ मोन्नो हास्थायबाय
थायो आं अरायबो गोसो गोर्बोंआवनो
थाबाय थाथोंसे अनजालि ।

मुश्री जलिसन मसाहारी
गामि: उजान पारा

आं नॉनि

नों आंखौ सैयाब्लाबो
नों आंखौ नेवसिब्लाबो,
नोंलाय आंनि गोर्बोनिखा
सुखु-दुखु अराय समनि ।
मुगैगोन मुजुगोन नों आंखौ
मोहेरगोन मोखेबगोन नों आंखौ
नाजागोन होनब्लाबो नोंखौ मोन्नो,
आं नॉनि नों आंनि ।
बोदोर जायो आंनि गोसोआ
समायना नॉनि महरखौ नुब्लानो ।
नॉनि दुंबुद बिखायाव बजबना ला,
मुगैनाय गैयाब्ला नों आंखौ ।
गोमो गोथां दखना नॉनि
हायना नांहोबाय नों आंखौ ।
अरायबो खाथिआव मोन्नो लुबैयो आं,
आय ! अनजालि नोंखौ आडो ।
जीउ गारगोन आं,
दाहा नांगोन आं
नोंखौ मोनाब्ला सना-
आं नॉनि नों आंनि,

मुस्त्रि सन्जय बसुमतारि

रंजालि गथ’फोरनि सौरा

खुदिया खन्थाइ)
।। जखाइथाम दावसा ।।
जोंहानि दाव गलाराव आबैया हाबदों -
खाथाख’वाव दाव गनायखौ नायहेंदों
दावदैनिफ्राय दाव फिसा ओंखारदों
आबैया आसियाव सानदों -
जखाइसे जखाइनै जखाइथाम जादों
बेनि ओंथिया - मा जिनै दावसा जागिदों ।
आं सोंदों आबैखौ -
मा बुंनाय जाखो बेखौ
आबैया मिनिनानै बुंदों आंखौ -
से नै थाम ब्रै साननायहाय फिसौ
जखाइसेयाव माब्रै थायो-मिथियाखे नों बेखौ
बिदियैनो जखाइसे जखाइनै जखाइथामखौ
सानब्ला -
ब्रै-ब्रै-ब्रै मोनथामजों जागोन जिनै - मिथिना ला
बेखौ ।

मुकुत प्रसाद बर’
कामरुप, कछारि सलमारि

दा नोंथ’ लाइमोनसा

दा
नोंथ’
लाइमोनसा
नायथायनाय नों
संसारि बाश्ना आलोख मोनस’वा

दा
नोंथ’
लाइमोनसा
लाइमोनसायाव
उदां उदाडै थाथ’नो हायो

नों
संसार
लैथोयाव
सानसिबासो
संसारि बाश्ना आलोख मोनगोन
-रैदोम बर’, बाक्सा

आंनि हेंथा

मुश्री निर्मल चन्द्र बसुमतारी

बे फैलाव बुहुम बिखायाव
आं जोनोम लायो ।
जोनोमजों लोगोयाव आंहा गोरिब,
आरो आलाइ-सिलाइ,
जाहोनाव आं-
जेब्ला हायाव लुद्रु-लुद्रा गेलेथिडो,
सिख्लाइ एमफैया....
आंनि फेन्दा खेरेफायाव अरफबो ।
जेब्ला आं उन्दुयो,
उराव एम्फौफ्रा....
आंनि मोदोमाव खेब-खाब अरखुमायो ।
जेब्ला हराव आं गोदो गोदो उन्दुलाडो,
आंखौ थाम्फैफ्रा अरग्लिलाडो ।
जेब्ला न’याव, जिरायग्लाडो ॥
आंनि मोदोमाव दावखुमैफ्र-
मानसाव-खुस्राव अरफबो ।
आडो जेब्ला फरायसा जिउ-
आंनि उदैया ओंखाम ओंखि गैयामोन ।
मालायनि गिजि गब्लं सिफोरखौसो गानोमोन,
बिबादिनो बिफोरजोंसो आं फराय नाडोमोन ।
आं जेब्ला लाउखार हाग्रायाव मोसो गुमहैयो,
आंनि आइथिंफ्राव लुवारफ्रा अरग्लिलाडो ।
आं जेब्ला दाहोना दुब्लियाव हालेव हैयो-
आलि दानो- खोयो मावो-
आंनि आइथिंफ्राव बेदुलावफ्रा ज’ज’ बाथाबना अरग्लिलाडो
आं जेब्ला सि जौसा हादानाव आबाद मावहैयो,
सान-हर,मैदेर नेनानै मेगन मोदै-,
आं उन्दुस’न लाडो जाजोबलाडो ।
जेब्ला आं मेघालयाव खैला जावहैयो
आंनि लोगोया खैलाजों फबजाना थैलाडो ।
बेयावनो आं आला दिछ-
आंनि समा ओरैनो
गोबां जेंनाजों सौग्रावना-
आं फैफिन नाडो-
बिदिनो आंनि हेंथा ।

फोथाय खेबस’ आंनि मिजिं

बुंनाय सोदोबफोरा
फोथायस’ हायै गुबुनाय गोसो
आरो बारग’लांनाय सम
मालाबाबो फैफिन खाया
सानबाबो जाखाया ।
आं मिजिंखौ नेना दडमोन
ओरैनो आंगो जाया
बिनि गोर्बोंआव इसे
जायगा दडोमोन नामा
दाबोनो फैयो हाथा हामा ।
मानसिनि मोदोमाव नांनाय
हाब्रुखौ दैजों सुस्ला हायो
नाथाय गोर्बोंआव नांनायखौ
मालाबाबो फोसाब हाया
रावनोबो खिन्थाबो जाया ।
जेबो जेंना गैयामोन आंनाव
नॉनिसो उदिस मोनहै
जेला सुबुरुनबो मोनाखिसै
एखनबा दा थायो हारसिडै।
जोबलांनोसै नामा जिउनि
हान्थिनाय लामा
लोगो मोफिनासै दसेबो
बायस्रालांबाय लामा आंगोनि
फोथाय खेबस’सो जाबाय
मिजिं आंनि !

हेमन्त स्वर्गीयारी
गोदान दिल्ली

“सोलेरा आंनि”

मिथिया मानो बे सोलेरा
नुयिखौ नुनो हास्थायबायो,
मोनिखौ सेराव मोनो हास्थायबायो ।
नाथाय, भुमनि जिरादा थाखो दं
सोलेरा आंनि
लुबैबायो गोबां ।
आं मिथिगौ दा
आंनि जाफु बिदिन्थाया
गाहाम नछ
नाथाय फैगौ बिदिन्थाखौ
गाहाम आं खालामलांगोन ।
सिगाडव मावबोदों आं
गोरोन्थि गोबां
फोसाबफिन्नो आं नाजालांगोन
फारि गोबां ।
दुखुआव बैहैग्लायो
गोबां मोदै मेगननिफ्राय
सुखुआव ओंखारो खुगानिफ्राय
गोबां मिनिनायल-
आय’! इसोर
माबादि नॉनि सोरजि बेलाय
जिउवा नॉनि सोलेरा आंनि ।

मुझि अबजित नारजारी
थाखो- 10 (जि)
गामि- बाथि पारा, बासुगाव ।

सिमां

नुदोंमोन आं समायना मन्दिर लुनाय
लुदोंमोनबो आं गंसे समायना मन्दिर ।
गैया नाथाय फोसाबनो
आंनि समायना मन्दिरा
जानांबाय दिनै सोमखे आंनि
सिमांनि समायना मन्दिर ।
जावदोंमोन आं गंसे जिउ दिछ
गुवार लैथोनि गेजेरजों
नाथाय मेगन गोसा बार मोदायआ
बुस्रोमना खोमाबाय आंनि
आखायनि गंसेल’ लोरगिखौ ।
जांनांबाय आं लैथो गेजेरनि
लोरागि गैयै आनदायनाय दिछरि
नुदोंमोन आं बिबारनि बागानाव
बारसे समायना बिबार ।
जादोंमोन आंनि गोसोआ,
लुबैदोंमोन आंनि गोसोआ
समायना नों बिबारजों लायनो
नाथाय सोरगिदिं गासिबो.....
गिलु बालु सुनि बेंनाय
माब्रैहाय फोलावनो आखाय
हायासै आं समायना बिबार नोंखौ लायनो
हास्थायनाय जारिमिन सिमां महर जालांबाय ।

मिस रोमै मसाहारी
कासिबारी ।

आमेरिकायाव एलन मास्कनि हेंथायै धर्ना

बस्टन, 2 मार्च :आमेरिकानि बस्टनाव टेस्लानि बिगोमा एलन मास्कनि हेंथायै धर्ना खालामो। धर्ना होग्राफोरा जुथाइ खरसायाव दावखलायनाय आमेरिकानि हादतगिरि डनाल्ड ट्राम्पनि नाजानायफोरनि गेजेरजों आरबपति फालागिरि एलन मास्कनि गेजेरजों लानाय थांखिफोरखौ लानानै धर्ना खालामदों। माखासे सप्ताहनिफ्रायनो दाहार होग्रा आफाद टेस्लानि हेंथायै धर्ना होगासिनो दं, जाहाथे कार कम्पानीनि फानायनि सायाव गोहोम खोख्लैनो हायो आरो मास्कनि डिअजिइनि हेंथायै धर्नाखौ गोखों खालामनो हायो। थांनाय शनिबारखालि बस्टआव



धर्ना होग्रा मेसाचुसेट्सनि 58 बोसोर बैसोनि नाथन फिलिप्सआ बुडोदि, जों एलनजों खिथेर लानो हायो। जों मोनफ्रोम जायगानि

शरुमआव थांनानै टेस्लाखौ नेवसिगारनानैबिनि कम्पानीखौ थोंजोडै रांखास्थियारि ख'हा खालामनो हायो। सुलुंनि बायदिब्ला, एलन मास्कआ

हादतगिरि ट्राम्पनि बिथोनाव जुथाइ खरसा आरो मावसुमाफोरखौ खमायनो थाखाय थांखि लागसिनो दं। बेरा फारसे टेस्ला टेकडाउन

वेबसाइटआव थांनाय शनिबारखालि 50 निखुइ बांसिन धर्नाफोरनि फारिलाइ होयो आरो मार्च दानाव बांसिन धर्ना खालामनायनि बिथांखि दं। सुलुंनि बायदिब्ला, निउयर्क सहराव टेस्लानि बायजोआव धर्ना खालामनाय केसखौ सा 9 सुबुंफोरखौ ग्रेप्टार खालामबाय। पुलिसनि बायदिब्ला, बे धर्नायाव रोजा रोजा सुबुंफोरा बाहागो लादों मोन। हादतनाडै आर'बपति मास्कखौ नोजोर होनाय जादों आरो बे धर्नाया 'टेस्ला टेकडाउन' धर्नाफोरनि दोहौफोरनि गेजेराव मोनसेमोन। धर्ना होग्राफोरा एलन मास्कनि टेस्ला श्वरुम जेक्सनभिले, फ्लरिडा, टक्सन, एरिजनाजों लोगोसे माखासे जायगाफोरावबो धर्ना खालामदों।□

ट्राम्पजों सोमोन्दोखौ जेलेंस्कीआ साबसिन

खालामनाया गोनांथार: नाट'नि गाहाइ



ब्रसेल्स, 2 मार्च: नाट'नि गाहाइ मार्क रुटेआ बुंदोंदि, इउक्रेनि हादरगिरि भवदिमीर जेलेंस्कीआ आमेरिकानि हादरगिरि डनाल्ड ट्राम्पजों गावनि सोमोन्दोखौ साबस्रांहोनायनि लामा दिहुन्नांगौ। सा आटलान्टिक गोरोबथा आफाद (नाट') नि गाहाइआ बुंदोंदि, हवाईट हाउसआव जाय जालांदों बेयो जोबोद दुखुनांथाव। रुटेआ बुंदोंदि, बिथाडा हादरगिरि जेलेंस्कीखौ ट्राम्पजों सोमोन्दोखौ मोदजां खालामनो खावलायदों। ट्राम्पआ इउक्रेनि थाखाय दासिमआव जायखौ मावदों बेखौ मान होनांगौ। बिथाडा जेलेंस्कीखौ गोसो खांहोनानै ट्राम्पआनो 2019 आव इउक्रेननो जेभलिन एन्ट टैंक हाथियार होदोंमोन होन्ना

लोगो इउक्रे ननि सुबुंफोरा हेफाजाब होनानै स्लगान होयो आरो लामायाव ओंखारो। सुबुंफोरा जेलेंस्कीखौ हादरनि हितफोरनि रैखागिरि होन्नानै बुडो। कीयेभआव नतालिया सेरहिएन्कआ बुंदों, जेलेंस्कीआ सिंंह बादि दावहा नांदों। बिथांमोननि गेजेराव गोखों दान्थे-बिदान्थे जादों, नाथाय जेलेंस्कीआ इउक्रे ननि हितफोरखौ रैखा खालामदों।□

इजराइलआ गाजायाव दैथाइ हरनाय मदत आरो जगायथायखौ होबथानायनि थांखि फोसावबाय

तेल अभिब, 2 मार्च : इजराइलआ गाजा पट्टीआव गासिबो मदत आरो जगायथाइखौ होबथाबाय। इजराइलआ बुंदोंदि, गाजा पट्टीआव गासैबो मुवाफोर आरो जगायनायनि एन्ट्रिखौ होबथाबाय। गाहाइ मन्थ्रि मावख'नि बागै गुवारै मिबथिहोयाखै। नाथाय सांग्रांथि होना बुंदोंदि, जुदि हामासआ इजराइलनि फारसेनिफ्राय दावहा दोन्थ'नायनि समाय सिमा फोलावनायनि आमेरिकाया लाबोनाय प्रपजेलखौ गनायथियाब्ला बेयो गोखों



फिनजाथाइजों भुगिनांगोन। अदेबानि मदतखौ होबथानाया खावसे एबा आबुडै जागोन बेखौ रोखा मिबथिहोनाया जायाखै। इजराइल-हामास दावहा दोन्थ'नायनि गिबि

खोलोबआ शनिबाराव जोबथाबाय। फारनैबो हान्जाया नैथि खोलोबनि सायाव जेबो सावरायाखै, जेराव हामासआ इजराइलनि फावसायनाय आरो दावहाखौ अरायथा महरै

दोन्थ'नाय बदलै आद्रा थानाय बेंखनाव लाखिजानायफोरखौ हगारनांगौ खोथा दंमोन। इजराइलआ रबिबाराव बुडोदि, बियो रमजान आरो 20 एप्रिलसिमाव दावहा दोन्थ'नायनि गिबि खोलोबखौ फोलावनायनि प्रपजेलखौ मदत खालामो। बे प्रपजेलनि बायदिब्ला, ट्राम्प खुंथाइनि गेजेरनि जाना दैदेन्नायाव थान्दै स्तिभ वितकफआ बुंथिदों। बेनि गेजेरजों गिबि सानाव खावसेनि बांसिन बेंखनाव लाजानायफोरखौ हगारगोन आरो आद्रा माखासेखौ अरायथा दावहा दोन्थ'नाय गोरोबथायाव हगारगोन। नाथाय हामासआ बे प्रपजेलनि सायाव जेबो फिन्नाय होयाखै। इजराइलआ आमेरिकानि हादतगिरि डनाल्ड ट्राम्पनि थान्दै स्तिभ वितकफनिनि प्रपजेलखौ गनायथिबाय, जेराव रमजान आरो पासअभारनि समाव गाजायाव अरायथा नडै दावहा दोन्थ'नायनि बाश्त्रा बुंनाय जादों।□

मनिपुर पुलिसआ एड्सएसएलसिइ 2025 पेपार लिंक जानाय केसआव सानै सुबुंफोरखौ हमबाय



इम्फल, 2 मार्च: मनिपुर पुलिसनि साइबार क्राइम इन्टिआ थांनाय शनिबारखालि एड्सएसएलसिइ 2025 नि समाज बिगियाननि सोंथि बिलाइ लीक जानायनि सोमोन्दै सानै सुबुंफोरखौ हमनाय जायो। बे लीक जानाया थांनाय 25 फेब्रुवारिआव अनलाइनआव नुजाथियो, जेब्ला आन्जादनि 30 मिनट सिगां मनिपुर गेजेर सोलोंथाय बर्ड (बिअएसइएम) नि गेजेरजों खुंदोंमोन। हमजानाय सुबुंफोरनि गेजेराव मेघचन्द्र सिंह(46), सासे

समाज बिगियान फोरेंगिरि, थौबलनि लिटिल स्टार इंग्लिस हायार सेकेन्डरि फरायसालिनि आन्जाद मिरुनि लेडाइ बिबानगिरि इनचार्ज (एअसि), आरो फरायसालिनि लेडाइ आफादगिरि युमनाम रन्जित सिंह (46) आ दंफायो। बिसोरखौ बसेमनि आन्जाद कन्ट्रालरनि अजद दैखानाय उनाव हमनाय जादों। नायबिजिरनायाव मिथिनो मोन्दोंदि, दायनिगिरिफोरा

आन्जाद जागायनायनि सिगां मबाइल एप आरो ससेल मिडिया प्लेटफर्मनि गेजेरजों सोंथि बिलाइ शेयार खालामदों। पुलिसआ आइन बेरेखायै फोसावनायाव बाहायनाय मबाइल फनखौबो जब्द खालामो। आथिखालाव सानै सुबुंफोरनि हेंथायै मनिपुर गोसो सोलोंसालिखौ नागरनायनि फोरमानलाइ आरो जौसिन गेजेर थाखोनि आन्जाद नेमखान्थि 2024, आइपिसि आरो साइबार क्राइम नेमखान्थिनि गेजेरजों केस थिसनो। आइननि बादिब्ला, सोंथि बिलाइ लीक खालामनायाव लोब्बा थानाय सुबुंफोरनि थाखाय 5-10 बोसोरनि जेल आरो 10 लाख रांनिफ्राय 10 कौटि रांसिमनि जुरिमाना फोनांनायनि नेमखान्थि दड।□

बेइजिं, 2 मार्च: चीननि बिबानगिरिआ हादरनि टप एआइ उद्यगयारिफोर आरो संदानगिरिफोरखौ आमेरिकायाव दावबायनायनिफ्राय जानगारआव थानो बिथोन होदों। बिबानगिरिफोरा जिंगा फोरमायदोंदि, हादरनि जौगाखांनायनि बागै स्त्रोद खोरंखौ मिथिहोनो हागौ। बिसोरखौ बेंखनआव लानानै

नगरकु र्नुल, 2 मार्च: तेलेंगाना सुरंग जाब्रथायाव 1 सप्ताहनिफ्राय सोलिबाय थानाय रैखा खालामनाय हाबाफारिआव गिदिर जाफुंसारनाय मोन्नो हादों। आबकारि मन्थ्रि जुपल्ली कृष्ण रावआ बुंदोंदि, थाबथानानै थानाय गासै सा 8 सुबुंफोरनि

गेजेराव साब्रैनि जायगाखौ मिथिनो हाबाय। नाथाय बिखौ रैखा खालामनायनि सन्देहआ 1 जौखोन्दो। कृष्ण रावआ एरिगेसन मन्थ्रि एन उत्तम कु मार रेड्डि आरो रैखा खालामनाय हाबाफारिआव थाफानाय बिबानगिरिफोरजों लोगोसे मोनसे जथुम खुंदों।

बेनि उनाव बिथाडा बुंदोंदि, राडरनि गेजेरजों साब्रै सुबुंफोरनि जायगाखौ मिथिनो हाबाय। रबिबारखालि बेलासिसिमआव बिसोरखौ बाइजोआव दिहुन्नो हागोन होन्नानै मिजिंथिदों। आथिखालाव 450 फुट गोलाव बरि मेसिनखौ हास'गासिनो दड। बे रैखा खालामनाय

हाबाफारिआव सा 11 एजेन्सिफोरनि मावसुमाफोरा दंफायो। बिसोरनिसिम सौहैनो थाखाय लामा बानायगासिनो दड। थांनाय शनिबारखालि फुडाव मोनसे टीमआ सुरंगनि सिडाव दै दिहुन्नो आरो बायखोन्दा थुखाफोराव दिहुन्नाय हाबाफारि सालायो। बेयाव नुजाथिनाय जेंनाफोरखौ बोस्त्रांनो नाजागासिनो दड। बेराफार्से थाबथानाय लेबारफोरनि नख'रनि सोद्रोमाफोरा बिसोरनि रैखाथियै फैफिन्नायखौ नेगासिनो दड। बेनि गेजेरजों भुगिनांनयफोरनि गेजेराव सासे गुरूप्रीट सिंहनि नख'रनि सुबुंफोरा रैखा खालामग्र। दोलोनि फार्सेनिफ्राय जेबो आपडेट होयाखै होन्नानै दाबि दैखांदों।□

एआइजों लोब्बा गोनां सुबुंफोरखौ आमेरिकाआव दावबायनायनिफ्राय जानगारआव थानो चीनआ खावलायदों



चीनजों सावरायनाय समाव शेयारिं खालामनो हागौ होन्नानैबो गिखांनाय मोन्दों। वाल स्ट्रीट जार्नेलआ बेनि रिपट

होदों। बे आयदाखौ लानानै हवाईट हाउस आरो चीननि राइज्यो परिषद खौरं मावख'आ बिबुंथि होनो नेवसिगारदों।

चीननि हादरगिरि शि जिनिपिंआ जौसिन बिबानगिरिफोरनि जथुम्मायाव साइबार रैखाथि एआइजों लोगोसे गासैबो रैखाथियाव साबस्रांहोनो बुंनाय जादों। सुलुंनि बादिब्ला, जाय चीननि बिबानगिरि दावबायनो गोनां जादों बिसोरो गावनि यजनाफोरखौ रिपट खालामनांगोन आरो गिदिंबोफिन्नायनि उनाव बिबानगिरिफोरनो गावनि खामानि आरो सोर-सोरजों लोगो

हमदों बेनि बागै मिथिहोनांगोन। डिपसिकनि गायसनगिरि लियां भेनफेंआ फेब्रुवारि दानआव पेरिसआव एआइ शिखर सम्मिलनआव बाहागो लानो ह'ख'यहरनायखै गनायथिदोंमोन। गंसे गाहाइ चीना एआइ स्टार्टआपनि गुबुन सासे गायसनगिरिआ बेइजिंनि बिथोन होनायनि उनाव थांनाय सप्ताहआव गावनि आमेरिकायान दावबायनायखौ केन्सेल खालामदोंमोन।□

जापाननि हाग्रायाव अर नांनयनि जाहोनाव रोजा-रोजा सुबुंफोरा न' नागरना खारलांदों

गोदान दिल्ली, 2 मार्च : जापाननि हाग्रायाव अर नांनय जाथाय सोमजिदों, जेराव रोजा-रोजा सुबुंफोरा गाव-गावनि न'फोरखौ नागरनो थाखाय गोनां जादों। बेखौ दासिमनि बयनिखुइ गिखंथावसिन अर नांनय होन्ना सुलुडव फोरमायनाय जादों। बे अरा थांनाय बुधबारखालि इवाते प्रिफेक्चरानि अफुनात सहराव नाडो आरो लासै लासै बेयो गिदिर हाग्राफोरसिम गोसारे। बे अरा 1,800 हेक्टेयार (4,450 एकड़) निखुइ बांसिन ओन्सोलखौ गावनि बेंखनआव आवग्रिना लायो। बेरा फारसे जायगानि बिबानगिरिफोरा बे गिखंथाव अरजों सासे सुबुंनि गोथै सह' मोन्नायनि खौरं होयो। बेनि अनगायैबो खमैब्लाबो गं 80 सो बिल्डिंफोरा बे अरनि अलखदआव गोग्लैना सिलिंखार जाखांबाय। जापाननि अर लुखोमोरग्रा आरो अलखद सामलायग्रा एजेन्सि (एफडिएएम) आ बे अरखौ 1992 नि उनाव जापानाव बयनिखुइ देरसिन हाग्रानि अर खामनाय होन्ना फोसावो, जेब्ला हक्काइडनि काशिर ओन्सोलाव मोनसे गिदिर अर नांनया गोबां सिलिंखार खालामदोंमोन। बे अरखौ सामलायनो थाखाय अर लुखोमोरग्रा मावसुमाफोर आरो इमार्जेन्सि टीमफोरा लांथ्रियै खामानि मावगासिनो दं। नाथाय गोखों बारनि जाहोनाव बिसोरनि



खामानियाव जेंना सोमजिगासिनो दं। बेयाव बिबानगिरिफोरा हेलिकप्टार आरो हानि टीमफोर थिसन्दों, जायजों अरखौ होबथानो हायो। आथिखालाव बे अरनि नांनयनि अनगायैबो जापाननि युमनाशि प्रिफेक्चर आरो इवातेनि गुबुन ओन्सोलफोरावबो आरोबाव मोनै हाग्राआव अर नांवावदों। सरासन्त्रायै जापाननि हाग्रायाव फेब्रुवारिनिफ्राय एप्रिलनि गेजेराव अर नाडो, जेब्ला रानस्त्राव आरो गोखों बार बारो। थांनाय 2023 आवबो जापानाव गासै 1,300 खेब हाग्रानि अर नांनयखौ दिखांनो मोन्दोंमोन, जाय 197 नि जौथाइनिखुइ खम।□

लन्डन, 2 मार्च : आमेरिकानि हादतगिरि डनाल्ड ट्राम्पजों दान्थे-बिदान्थे जानायनि उनाव इउक्रेनि हादतगिरि भलडिमिर जेलेनस्किआ ब्रिटेननि गाहाइ मन्थ्रि कीर स्टार्मरजों लोगो हमो। ब्रिटिश गाहाइ मन्थ्रिआ जेलेनस्किखौ गोदोना गोबायो आरो बिखौ गाजा-गोमजायै बरायो। स्टार्मरआ बे समाव जेलेनस्किखौ गासै ब्रिटेनआनो नोंथांजों लोगोसे दड होन्ना बुडो। जौनि हादतआ जेब्लाबो इउक्रेनजों लोगोसे गसंफागोन। बेनि गेजेरजों इउक्रेन आरो ब्रिटेननि गेजेराव 2.26



बिलियन पाउन्डनि लन एग्रिमन्टनि सायाव गनायथियो। ब्रिटेननि चेन्सेलर रैचेल रिक्स आरो इउक्रेननि रांखान्थि मन्थ्रि सांजिय मार्चकंआ 2.26 बिलियन पाउन्ड (2.84 विलियन

डलारनि) नि लन एग्रिमेन्टनि सायाव मुंसायो। लननि गिबि किस्तिखौ फैगौ सप्ताहायाव इउक्रेना मोननायनि मिजिं दं। कीर स्टार्मरआ बुडोदि, डाउनि स्ट्रीटआव जेलेनस्किखौ बरायनाय आरो इउक्रेननि फारसे

गावनि मदत होनायनि खोथा होनाया आंनि थाखाय सन्माननि बाश्त्रा। इउक्रेनि हादतगिरि जेलेनस्किआ बुडोदि, ब्रिटिस गाहाइ मन्थ्रि कीर स्टार्मरजों लोगोसे सावरायनाय समाव इउक्रेननि थासारिखौ गोखों खालामनो आरो फोथायजाथाव रैखाथि गेरैन्टिखौ मोनफु'नायनि सायाव सावरायो, बेयाव दावहाखौ फोजोबनायनि सायावबो सावरायो। लन्डनआव सौहैनायाव गोबां सुबुंफोरा स्ल'गानजों लोगोसे जेलेनस्किखौ बरायो।□

गाहाम देहानि राहा

जिरानि बिदैया हान्थुआव जमा जानाय इउरिक एसिडखौ फिल्टार खालामो

देहायाव इउरिक एसिडनि थाखोआ बारायब्ला जरायाव सानाय आरो बुनाय बायदि जेंनाफोर सोमजिहोनो हागौ। इउरिक एसिड गोनां बेरामिफोरा गावसोरनि आदाराव जुनिया नोजोर होनांगौ जायो। मोनसे थि आदारा इउरिक एसिडनि थाखोखौ गोबां बिबाझव सामलायनायाव मदद होनो हागौ। आर्थराइटिसजों जुजिनाय बेरामिफोरनि थाखाय गोबां बेसादफोरा मुलाम्फा गोनां जानो हागौ। बेफोरनि गेजेराव मोनसेया जादों जीरानि बिदै। जिराखौ सरासनस्त्रायै मैगं-थाइगं एबा दालिफोराव बाहायनाय जायो। बेयाव बायदि रोखोमनि निउट्रियेन्टफोर थायो, जाय सावस्त्रिनि थाखाय जोबोद मुलाम्फा गोनां जानो हागौ। जिंक, आयरन, केलसियाम



आरो फस्फरासजों बुंफबनाय किउमिनआ देहायाव इउरिक एसिडनि थाखोखौ लाखिनायाव मदद खालामो। बेवहाय एन्टिअक्सिडेन्ट थायो,जाय बुनायखौ बाझइ खालामनायाव मदद होनो हागौ। जिरानि बिदैया बानायनाया जोबोद गोरलै। बेनि थाखाय गिलाससे दैयाव सामुसनै जिराखौ हरसे सोमना दोननांगौ। बे दैखौ फुझव फुदुं'नांगौ आरो लोंनांगौ। नोंथाड गोसो जायोब्ला थावखौ बांहोनो थाखाय दालसिनि गुन्दै एबा

संखि होफानो हायो। जीरानि दै लोडेब्ला, देहायाव इउरिक एसिडनि थाखोआ समान्थि थायो। लिरथाइ खमायनो थाखाय जिरानि दैया मोनसे साबसिन राहा जानो हागौ। बेयो देहायाव कलेस्ट्रलनि थाखोखौ बाझइ खालामो, जायजों लिरथाइखौ बाझय खालामनायाव गोर लै जायो। जुदि नोंथाड जिरानि दैखौ नेमबादिदै लोडेब्ला बियो बिगुर खौ जोंहोयो।□

दिनै फावखुंगुर टाइगार श्रफनि जोनोम सान

बलिउडआव गोबां स्टारफोर दं जायफोरा मोनसे हिट सावथुनजों गावसोरनि जिउ राहाखौ जुरिजेनदों जाय फिन बिथांमोननि सावथुनफोरा नायगिरिफोरनिफ्राय जेबो अनसायनाय मोनाखै। टाइगार श्रफआ बेफोर हाथरखिफोरनि गेजेराव सासे। बलिउडआव टाइगारनि जागायनाया गोखोंमोन। टाइगार श्रफआ बलिउडनि बयनिखुइ उन्दैसिन आरो आखा-फाखा फावखुंगुरफोरनि गेजेराव सासे आरो बिथांखौ सावथुन मुलुगनि बयनिखुइबो साबसिन फावखुंगुरफोरनि गेजेराव सासे होननाबो मानिनाय जायो। टाइगरआ दिनै 2 मार्चखालि गावनि 35थि जोनोम सान फालिदों। टाइगार श्रफआ 2014 माइथायाव ‘हीरोपंती’ जों बलिउडआव आगान



होजेनदों। सब्बीर खानजों दिथाहोजानाय बे सावथुना 23 मे, 2014 मायथाइयाव फोसाव जादों आरो कृति सेननआ बिथांजों लोगोसे गाहाय फावआव नुजादों। टाइगरआ गावनि गिबि सावथुनजोंनो नायगिरिफोरनि गोसोखौ जै खालामनो हादोंमोन। बबेखानि, बिथानि बिफा जैकी श्रफआ बे सावथुननिफ्राय गोबां मिजिं थियाखैमोन। बिनि उनाव थानि

सावथुन ‘बागी’ आ रिलीज जादों आरो नायगिरिफोरनिफ्रायबो गोबां अनसायनाय मोनदों। जिखिजायामानो बेनि उनाव थानि मोनथाम सावथुनफोरा फारियै फलप जादों। बिथानि जोबथा रिलिज ‘बड़े मियां छोटें मियां’ आरो ‘गणपत’आबो बकस अफिसआव गाजि दिन्थिफुंदों। टाइगरआ मार्शल

सनाक्षी सिन्हाया हाबानि 8 दाननि उनाव गावनि फंबाय लव-कुशनि सायाव खुगा बेखेवदों

सनाक्षी सिन्हाया 2024 माइथायाव जहीर इकबालजों गावनि जुलिनि थाखाय गिबि खौरांआव फैदोंमोन। फावखुंग्रिया जहीरजों गावनि धोरोम गेजेरारि जुलिनि सोमोन्दै गोबां टूलिंजों मोगा-मोगि जानादों आरो गावनि बिदा।-फं'बायफोरनि गोजोननायजोंबो जुजिनांदों। ओरै'बायदि बुं'नाय जायोमोनदि,सिन्हानि नखरा सनाक्षीनि जहीरजों जुलि जानायखौ गोजोन्नाय मोनाखैमोन। बबेखानि, शत्रुघ्न सिन्हाखौ गावनि फिसाजोनि हाबाखौ गावनि बिसि पूनमजों फालिनाय नुनो मोन्दों। नाथाय सनाक्षीनि जावजा बिदा-फं'बायफोरनि गेजेराव खालि कुशआल’ जुलि फालिथायाव बाहागो लादों, जेराव लव सिन्हाखौ जेरावबो नुनो मोननाय जायाखै। बेसमावनो, सनाक्षीआ गावनि फं'बायफोरनि सोमोन्दै खुलायै रायज्जलायदों आरो बुंदोंदि,बिसोरो बिथांजोखौ मेगन सायो। त्रुघ्न सिन्हानि अनजाथाव फिसाजो सनाक्षीआ



बावैसो हौंटेरफलाईजों रायज्जलायनायाव गावनि फं'बायफोरजों गावनि उन्दै समनि सानफोरखौ गोसोखांदों। सनाक्षीआ शत्रुघ्न सिन्हा आरो पूनम सिन्हानि दुइसिन फिसा जायनि थाखाय बिथानि बिमा-बिफाया गावनि उन्दै समाव बिथांजोखौ जोबोद लाजि फोनांदों आरो फावखुंग्रिया फोथायोदि,बिथानि फं'बायफ्रा बेखौ मेगन सायोमोन। सोनाक्षीआ बुंदों, आं बयनिखुइबो उन्दैसिन,न'नि हिनजावसा आरो बयनिखुइबो बांसिन लाजि फोनांजानाय। बेनिखायनो आंनि फं'बायफोराबो आंखौ मेगन

सायोमोन। सनाक्षी आरो जहीरआ जुन 2024 मायथाइयाव जुलिनि रादाय खादों। सनाक्षीनि बायदिब्ला, गासैबो बिदा-बिनानावफोरा गावजों गाव नांज्लायो आरो बेनिखायनो लव आरो कुशजों बिथांजोनि नांलायनाया सरासनस्त्रामोन। सनाक्षीआ थानाय बोसोरनि 23 जुनआव गावनि गोलाव समनि अनजालु जहीर इकबालजों जुलि जादों। बिथांमोनहा मोनसे सुबुं हाबा फोर्बोंआव शत्रुघ्न सिन्हा आरो पुनम सिन्हाजों बाहागो लादों नाथाय लव सिन्हाखौ हाबायाव नुनो मोननाय जायाखैमोन।□

फावखुंग्रि मानुषी छिल्लरआ सासे जाफुंसार फावखुंग्रि जानो हादों

बलिउडनि फावखुंग्रि मानुषी छिल्लरआ गावनि केरियारआव दासिम मोन 4 सावथुनफोराव खामानि मावबाय। मानुषीनि सावथुनफोरा बक्स अफिसआव सरासनस्त्रा नडैमोजां दिन्थिफुंनो हायाखैब्लाबो बेफोरो बिथांखौ सासे स्टार बानायदों। 2017 मायथाइयाव मिस वर्ल्ड बिमुं देरहानाय मानुषी छिल्लरआबो गावनि फरायनायाव साबसिन दिन्थिफुंदों आरो 12थि थाखोआव दुलाराय भारतयारि टपारमोन। बावैसो मानुषीआ बलिउडनि स्टार टाइगर श्रफजों लोगोसे रैम्प वाक खालामदों। बे जाथायनि भिडिअया भाइरल जागासिनो। बे भिडिअआव, मानुषीआ रैम्पआव गावनि समायनाखौ दिन्थिदों। हास्थायगिरिफोराबो बे सानै स्टारनि जराखौ थारैनो मोजां मोनो आरो बिसोरखौ बाख्यायागसिनो। 14 मे 1997 मायथाइयाव हरियाणानि रहतकआव जोनोम मोननाय



मानुषी छिल्लरआ उन्दै समनिफ्रायनो गोर्बौ गोसोनि सुबुंमोन। मानुषीनि बिफा मित्रवासु छिल्लरआ डिआरडिअनि सासे बिजिरसं फरायसंगिरि। बिथांजोनि

बिमाया सासे डाक्टर। मानुषीआ गावनि फरायसालिनि सोलों'थायखौ गोदान दिल्लीआव फोजोबदों आरो सेन्ट थ'मास स्कुलाव जोबोद बाख्यायदोंमोन, जेराव बिथाड

थांनाय दानयाव भजपुरी फावखुंगुर खेसारी लाल यादवनि सावथुना सोमोनांथाव दिन्थिफुंदों

भजपुरी सावथुनाबो गावनि अनसायजानायखौ बां'होबाय थादों। भजपुरी सावथुनफोरा आथिखालाव गिदिर आरजियो आरो बलिउड सावथुनफोरजों बादायलायो। बे बोसोराव भजपुरी सावथुननि सावथुन ‘डान्स’आ थांनाय दानाव फेब्रुवारियाव रिलिज जादों। बे सावथुनाव खेसारी लाल यादवखौ गाहाय फावआव नुनो मोननाय जादों।सावथुनखौ फोसावनाय लोगो लोगो नायगिरिफोरा बेखौ जोबोद मोजां मोनो। खेसारी लालनि सावथुननि मेथाइफोराबो सुपारहिटमोन। सावथुनखौ लानानै नायगिरिफोरनि गेजेराव गोबां क्रे ज दंमोन। 22 फेब्रुवारिआव फोसाव जानाय बे सावथुना बक्स अफिसआवबो मोजाडै जाफुंसारदों। भजपुरी स्टार खेसारी लाल यादवनि सावथुन डान्सआबो बेनि मेथाइफोरनि थाखाय गोबां अनसायनाय मोनदों।सावथुननि मेथाइ ‘हल्ला भैल बा’ आ



सुपारहिटमोन। बे भजपुरी मेथाइयाव खेसारी लाल यादवआ आहाना शर्माजों लोगोसे मोनसे बुथारग्रा स्टाइलआव नुजादों।बे मेथाइनि लिрик्सआ खेसारी लाल यादव आरो खुशी कक्कड़जों रोजाबजानाय‘हल्ला भैल बा’, आरो सुबुंफोरा बे मेथाइखौ बाख्यानायखौ दोन्थ’आखै। इउटयुबआव गोबां बाहायगिरिफोरा बे मेथाइनि सायाव फिनजाथाय होदोंमोन आरो बेखौ बाख्यायदोंमोन।

मेथाइयाव खेसारी लाल यादवखौ आबुं एकशन अवतारआव नुनो मोननाय जादों।मेथाइनि बाश्रा बुंन्ला, बेनि मेथाइखौ कृष्ण बेदर्दीआ लिरदोंमोन। बेजों लोगोसे, सुजुगिरियाबो कृष्ण बेदर्दी। मेथाइनि करिय’ग्राफीखौ रामदेवनआ खालामदों, जाय बेखौ समायनायै करिय'ग्राफ खालामदों। दिथागिरिया धीरज ठाकुर आरो बेखौ खेसारी लाल यादव आरो अहाना शर्मानि सायाव सेबखांनाय जादों।

मख'नो गोनांदि, खेसारी लाल यादवनि सावथुना बकस अफिसआव मोजां दिन्थिफुंदों। सिगांनि 3 सानाव सावथुना 3 कौटिनि बांसिन रां'बुथुमदों, जाय बयखौबो सोमोनांहोदों। बिनि उनाव, सावथुना बकस अफिसआव मोजाडैजाफुंसारबाय थादों। खेसारी लाल यादवआ बोसोरनि जागायनाया मोजां जादों। दा बेखौ नायनाया गोसो बोथाबना जागोनदि आद्रा थानाय दानफोराव बिथाड बेसेबां मोनफुंनो हायो।□

‘विकेड’ सावथुनआ रिलिज जानाय लोगो-लोगो 6000 कौटि रां आर्जिदों



आरो मुलुगनाडैनो गुवारै मोजां मोनजादों। बेल’ नड, बेयो 6000 कौटिनि बांसिन रां बुथुमदों। आथिखालाव, बे सावथुना अस्कारआव जाफुंसार

जानो थाखाय थियारि जाबाय। हलिउड दिथागिरि जन एम. चुनि सावथुन विकेडआ थांनाय नभेम्बराव फोसाव जादों। सावथुना फोसावनायनि उनाव

थाबैनो नायगिरिफोरनि गोसोखौ बोनो हादों। आथिखालाव, सावथुननि थाखाय क्रेजखौ गासै बहुमावनो नुनो मोनो। दासिम सावथुना 6000 कौटिनि बांसिन

आर्जिनो हादों, जाय बयखौबो सोमोनांहोदों। सावथुनाव सिन्थिया एरिभ', एरियाना ग्रान्डे आरो जेफ ग'ल्डब्लम बायदि महरगिरिफोरा गाहाय बिफावफोराव दं।आथिखालाव, बे सावथुना 2025 मायथाइयाव अस्कारनि थाखाय बादायलायनाय मोन 10 साबसिन सावथुनफोरनि फारिलाइआव जायगा मोनबाय। बे सावथुना दासिमबो जापानाव 7 मार्चआव रिलीज जागोन। बे सावथुननि मुलुगनाडैनो भारतयारि रांनि खामायनाया 6 रोजा कौटिनि बांसिन जाबाय।□

मुम्बाइआव गाज्रि जालांनाय बारआ बलिउड स्टारफोरनि गेजेराव जिंगाखौ बां'होदों



ससियेल मेडियायाव मोनसे पस्ट सेयार खालामदों। जेराव बिथाड मुम्बाइनि गाज्रि बारनि गुननि सायाव जिंगा फोरमायदों। बलिउडनि फावखुंग्रि सनम कापुरआ

मुम्बाइनि बार गुबुंले जानायखौ लानानै जिंगा फोरमायदों। सनम कापुरआ गावनि इनस्टाग्रामआव मोनसे पस्ट सेयार खालामदों। जेराव सनमआ लिरदों, जानो हागौ आं बोसोराव 15 सानसिम

बेबादि सिगारेट सोबो। आद्रा थानाय साननि थाखाय, आं मुम्बाइनि बिसगोनां बारखौ हां लागसिनो दं। दिनै मुम्बाइआ मालबर लाइट (सिगारेटनि मुं) जाबाय। सनम कापुरआ मुम्बाइनि बारनि बागै गावनि जिंगा फोरमायदों। जिखिजायामानो, बेयो गिबि खेब नड जेब्ला सनम कापुरआ मुम्बाइनि बार गुबुंले जानायनि सोमोन्दै बुंदों। बेनि सिगां'बो सनम कापुरआ बेबाश्राखौ लानानै गावनि जिंगा सिनायखौ फोरमायदों। थानाय 2 बोसोर सिगां 2023 मायथाइयाव सनम

कापुरआबो मोनसे पस्ट सेयार खालामदों। बिथांजोआ लिरदों, मुम्बाइआव गारि सालायनाया दुखुगोनां। जुहुनिफ्राय बेन्डस्टेन्डसिम सौहैनो आंनो से घन्टा नांदों। जेरावबो गोबां लुनाय आरो जावखांनाय।गुबुंले जानाया उखुमनिफ्राय फैयो। मा सोलिगासिनो दं?फावखुंगुर आरो स्टेन्ड-अप कमेडियान भिर दासआफिन खेबसेबाव मुम्बाइनि गाज्रि बार गुबुंले जानायनि सायाव दुखु फोरमायदों। बे खेबाव बिथाड नोगोराव हां लानाय आरो सिगारेट सोबनायनि गेजेराव मोनसे गोब्राब रुजुदों।□

